

INFORMACIJA

o radu Savjeta mjesnih zajednica

za 2016.godinu

Mjesna zajednica se osniva kao oblik neposrednog učestvovanja građana u odlučivanju o lokalnim poslovima. Mjesna zajednica je obavezan oblik mjesne samouprave i osniva je Općinsko vijeće, a u skladu sa Statutom jedinice lokalne samouprave.

Općinsko vijeće Stari Grad Sarajevo, na 38.sjednici održanoj 29.marta 2016.godine, donijelo je Odluku o raspisivanju izbora za članove Savjeta mjesnih zajednica. Izbori su održani u nedjelju, 24.aprila 2016.godine, a glasalo je ukupno 3.760 građana u 16 mjesnih zajednica, podneseno je 237 kandidatura, a biralo se 98 članova Savjeta mjesnih zajednica.

Savjeti mjesnih zajednica (u starom mandatu) su u saradnji sa Sektorom za poslove mjesnih zajednica učestvovali u provođenju odredaba Odluke Općinskog vijeća Stari Grad Sarajevo o raspisivanju i provođenju izbora za savjete mjesnih zajednica Općine Stari Grad Sarajevo za 2016.godinu.

Savjet mjesne zajednice je izvršno tijelo mjesne zajednice. Na osnovu Pravila mjesne zajednice Savjet mjesne zajednice donosi Poslovik o radu Savjeta mjesne zajednice kojim se bliže određuje način rada Savjeta mjesne zajednice, obavlja i poslove koji su od značaja za ostvarivanje interesa i potreba građana sa područja mjesne zajednice utvrđene Pravilima mjesne zajednice, a sve u skladu sa Zakonom o principima lokalne saouprave F BiH i Statutom Općine.

Na sjednicama Savjeta mjesnih zajednica se uglavnom razmatra problematika građana i problemi infrastrukturne prirode i upućuju inicijative, prijedlozi i sugestije za njihovo rješavanje ka većim instancama vlasti tj.općini kao jedinici lokalne samouprave, kantonalnim resornim ministarstvima te javnim preduzećima. Veliki broj inicijativa odnosio se na poboljšanje ambijenta življenja građana i podizanja kvaliteta usluga komunalnih preduzeća, te usluga koje ona pružaju, a prije svega treba istaći potrebe za uredno vodosnadbjevanje, javni gradski prevoz, snadbijevanje električnom energijom, uređenje javnih površina, problemi odvoza smeća, problemi pasa lutalica i dr.

Savjeti mjesnih zajednica su uredno dobijali materijale za sjednice Općinskog vijeća i prisustvovali istim, imali sastanke i kontakte sa predstavnicima sigurnosnih struktura u našoj zemlji, pratili stanja na području mjesnih zajednica u oblasti bezbjednosti i sigurnosti građana i predlagali mjere kojima će se poboljšati postojeće stanje tu prije svega mislimo na sastanke i saradnju sa pripadnicima PU Stari Grad Sarajevo i LOT timova međunarodnih mirovnih snaga u BiH, gdje su svojim mišljenjem, sugestijama i primjedbama pokušali ukazati na bezbjedonosno-sigurnosnu situaciju na mjesnim područjima, dok su sa mirovnim snagama u BiH razgovarali o stanju sigurnosti lica koja imaju status povratnika kao i obilazak istih.

Potpisivanjem Memoranduma o razumijevanju između predstavnika Razvojnog programa Ujedinjenih nacija u BiH i Općine Stari Grad Sarajevo (29.03.2016.godine), počela je implementacija projekta „Jačanje uloge MZ u lokalnom razvoju u BiH“. Glavni cilj projekta je da doprinese kvalitetnijem životu građana kroz veće demokratsko učešće i odgovornosti prema javnosti, kroz unapređenje usluga na nivou mjesnih zajednica, infrastrukturu i dr. Projekat predstavlja zajedničku inicijativu vlada Švicarske i Švedske i trajat će do 2019.godine, uz sufinansiranje lokalne zajednice (30%), a za sprovođenje je zadužen UNDP u BiH.

Šest starogradskih mjesnih zajednica je odabrano da učestvuju u ovom projektu i dugoročno je planirano unapređenje rada mjesne zajednice, a stukture mjesne zajednice će imati priliku da ojačaju svoje kapacitete.

U okviru Ovoga projekta Savjeti šest (6) mjesnih zajednica su imali niz aktivnosti:

- Trening za trenere fasilitatore,
- Trening za upravljanje projektnim ciklusom - PCM,
- Trening informatičke pismenosti,-ECDL
- Trening na temu: “Društveno-marginalizirane i isključene grupe”,
- Trening upotreba - IKT (informaciono-komunikativnih tehnologija),za učešće građana u javnom životu i odlučivanju,
- Seminar na temu: “Vizija mjesne zajednice u BiH”,
- Trening : ljudska prava i socijalna isključenost,
- Svečana dodjela diploma,
- Studijska posjeta gradova i mjesnih zajednica BiH-ine, Općini Indžija – Srbija i Općini Rijeka-Hrvatska.

Rezultat svih navedenih aktivnosti članova savjeta mjesnih zajednica su dobijena sredstva i projekti na području šest (6) mjesnih zajednica:

1. MZ “Sedrenik”, izgradnja dječijeg igrališta u ulici Brdovita br.18, realizacija u toku,
2. MZ “Mošćanica” izgradnja dječijeg igrališta “Sve za dječiji osmijeh”, kod O.Š.”Vrhbosna”, ul.Baruathana, realizacija u toku,
3. MZ “Kovači”, projekat :“Uspostava informatičkog kabineta u MZ Kovači, čija je realizacija u toku,
4. MZ “Vratnik”, projekat „Aktiviranja doma kulture u smislu organizovanja aktivnosti za djecu, mlade, žene i penzionere, realizacija u toku,
5. MZ „Širokača“, kroz projekat UNDP-a Savjetu MZ Širokača odobren je projekat sanacije i rekonstrukcije ulice Tandareva,
6. MZ “Logavina”, kroz projekat UNDP-a, Savjetu MZ Logavina je odobren projekat”Stavljanje pod video nadzor doma kulture Logavina”.

U decembru 2016.godine, na inicijativu rukovodstva Općinskog vijeća, izvršen je obilazak mjesnih područja i održani su sastanci sa građanima i savjetima mjesnih zajednica. Predsjedavajući Općinskog vijeća mr.Jusuf Pušina sa zamjenicima Irfanom Čengićeom, te Sanelom Dragolovčaninom je obišao sva mjesna područja i razgovarao sa građanima, na tim radnim sastancima mogle su se uti incijative, ideje o rješavanju i unaprijeđenju kvaliteta života građana naše općine, a koje možda nisu bile ideje samo savjeta mjesnih zajednica što je bila jedna dobra strana ovih sastanaka. Građani i savjeti mjesnih zajednica na sastancima su izrazili podršku kako

Načelniku Općine tako i rukovodstvu Općinskog vijeća kao i vijeću u cjelini, te pohvalili njihov angažman kada su u pitanju posjeta i obilasci mjesnih područja , što do sada nije bila praksa.

Na sastancima su građani i savjeti mjesnih zajednica uglavnom iznosili svoje goruće probleme kako individualne prirode tako i mjesnog područja u cjelini, te izrazili nadu da će Općinski Načelnik kao i Općinsko vijeće, te Općina kao jedinica lokalne samouprave učiniti sve u domenu svoje moći da riješi navedene probleme. Sa druge strane dobili su obećanje da

e Općina, Općinsko vijeće te Načelnik na raspolaganje staviti sve resurse i kapacitete kako bi se riješio što veći broj zahtjeva građana, problemi infrastrukturne prirode te je izražena tendencija i akcenat kada su u pitanju kapitalni projekti , kao što su izgradnja velikog fudbalskog terena, izgradnja podzemnih garaža, biti ono što

e na neki način biti prioriteta, a što

e svojim sadržajem upotpuniti Općinu Stari Grad Sarajevo, s obzirom da kao najatraktivnija i najposjećenija općina u BiH , takve sadržaje ne posjeduje.

Važno je istaći da se na ovim sastancima uspostavila interakcija građani i Općinsko vijeće koja je u minulom periodu nekako nedostajala, predsjedavajući Općinskog vijeća mr.Jusuf Pušina je napomenuo da

e sa svojim zamjenicima u svakom pogledu predstavljati ne samo Općinu Stari Grad, nego i Općinsko vijeće u cjelini , te je dao informaciju o otvorenim vratima Općine tj projektom gdje ce on i dva potpredsjedavajuća svakog prvog utorka u mjesecu primati građane , predstavnike savjeta mjesnih zajednica i dr. Ovaj potez rukovodstva Općinskog vijeća je naišao na pohvale građana, te je predsjedavajući vijeća zamolio građane za malo strpljenja kada je u pitanju dinamika realizacije projekata, jer nekada Općina, odnosno Općinsko vijeće ne utiče na istu, s obzirom na hijerarhijski gledano gdje se isprepliću nadležnosti, nekada Općina nije ta, nego veće instance vlasti su kočničari, odnosno ti koji usporavaju dinamiku rješavanja mnogih problema, inicijativa i projekata.

U narednom periodu, savjeti mjesnih zajednica će nastojati da svoj rad učine dostupnim što široj javnosti i da na taj način podstaknu i druge zainteresovane subjekte i građane da pokreću inicijative i da se aktivnije uključe u sve tokove života, a sve radi unapređenja i zaštite prava i interesa građana i razvoja lokalne samouprave Općine Stari Grad.

O b r a d a

P r e d l a g a č

Sektor za poslove MZ



Sektor za poslove MZ

TABELARNI PREGLED za 2016.godinu o radu savjeta mjesnih zajednica

R/br.	Mjesna zajednica	Broj članova Savjeta po MZ	Broj održanih sjednica savjeta MZ	Broj održanih zborova građana
1.	Babića bašča	5	18	2
2.	Bašćaršija	7	12	4
3.	Bistrik	7	13	1
4.	Ferhadija	5	14	1
5.	Hrid-Jarčedoli	7	13	2
6.	Kovači	5	12	4
7.	Logavina	7	12	4
8.	Mahmutovac	5	11	2
9.	Medrese	7	13	2
10.	Mjedenica	5	13	1
11.	Mošćanica	7	15	5
12.	Sedrenik	7	11	6
13.	Sumbuluša	5	12	2
14.	Širokača	7	14	4
15.	Toka-Džeka	5	11	3
16.	Vratnik	7	10	4
17.	UKUPNO:	98	204	47